

18. Ferilheildi

Stærðfræðigreining IIB, STÆ205G

4. mars 2015

Sigurður Örn Stefánsson, sigurdur@hi.is
Verkfræði- og náttúruvísindasvið
Háskóli Íslands

Heildi falls yfir feril

Skilgreining 18.1

Látum C vera feril í \mathbb{R}^2 stikaðan af samfelldum diffranlegum stikaferli $\mathbf{r} : [a, b] \rightarrow \mathbb{R}^2$. Ritum $\mathbf{r}(t) = (x(t), y(t))$. *Heildi falls $f(x, y)$ yfir ferilinn C með tilliti til bogalengdar* er skilgreint sem

$$\begin{aligned}\int_C f(x, y) ds &= \int_a^b f(\mathbf{r}(t)) |\mathbf{r}'(t)| dt \\ &= \int_a^b f(x(t), y(t)) \sqrt{x'(t)^2 + y'(t)^2} dt.\end{aligned}$$

Sama aðferð notuð til að skilgreina heildi falls yfir feril í \mathbb{R}^3 .

Setning 18.2

Látum C vera feril í \mathbb{R}^2 . Gerum ráð fyrir að r_1 og r_2 séu tveir samfelldt diffranlegir stikaferlar sem báðir stika ferilinn C . Ef fall $f(x, y)$ er heildað yfir C þá fæst sama útkoma hvort sem stikunin r_1 eða stikunin r_2 er notuð við útreikningana.

Skilgreining 18.3

Ferill \mathcal{C} í plani er sagður *samfelld difffranlegur á köflum* ef til er stikun $\mathbf{r} : [a, b] \rightarrow \mathbb{R}^2$ á \mathcal{C} þannig að til eru punktar

$a = t_0 < t_1 < t_2 < \cdots < t_n < t_{n+1} = b$ þannig að á hverju bili (t_i, t_{i+1}) er \mathbf{r} samfelld difffranlegur ferill og markgildin

$$\lim_{t \rightarrow t_i^+} \mathbf{r}'(t) \quad \text{og} \quad \lim_{t \rightarrow t_{i+1}^-} \mathbf{r}'(t)$$

eru bæði til.

Líka sagt að stikaferillinn \mathbf{r} sé *samfelld difffranlegur á köflum*.

Heildi vigursviðs eftir ferli

Skilgreining 18.4

Látum $\mathbf{F}(x, y)$ vera vigursvið og $\mathbf{r} : [a, b] \rightarrow \mathbb{R}^2$ stikun á ferli \mathcal{C} og gerum ráð fyrir að stikaferillinn \mathbf{r} sé samfelldt diffranlegur á köflum.

Heildi vigursviðsins $\mathbf{F}(x, y)$ eftir ferlinum \mathcal{C} er skilgreint sem

$$\int_{\mathcal{C}} \mathbf{F} \cdot d\mathbf{r} = \int_{\mathcal{C}} \mathbf{F} \cdot \mathbf{T} \, ds = \int_a^b \mathbf{F}(\mathbf{r}(t)) \cdot \mathbf{r}'(t) \, dt.$$

Skilgreining 18.5

Ritum $\mathbf{F}(x, y) = F_1(x, y)\mathbf{i} + F_2(x, y)\mathbf{j}$. Ritum líka $\mathbf{r}(t) = x(t)\mathbf{i} + y(t)\mathbf{j}$. Þá má rita $dx = x'(t) dt$, $dy = y'(t) dt$. Með því að nota þennan rithátt fæst að

$$\begin{aligned}\int_C \mathbf{F} \cdot d\mathbf{r} &= \int_a^b (F_1(x, y)\mathbf{i} + F_2(x(t), y(t))\mathbf{j}) \cdot (x'(t)\mathbf{i} + y'(t)\mathbf{j}) dt \\ &= \int_a^b F_1(x(t), y(t))x'(t) dt + F_2(x(t), y(t))y'(t) dt \\ &= \int_C F_1(x, y) dx + F_2(x, y) dy.\end{aligned}$$

Athugasemd 18.6

Látum C vera feril í \mathbb{R}^2 . Gerum ráð fyrir að $\mathbf{r}_1 : [a, b] \rightarrow \mathbb{R}^2$ og $\mathbf{r}_2 : [a', b'] \rightarrow \mathbb{R}^2$ séu tveir samfelldir diffranlegir á köflum stikaferlar sem stika C . Gerum enn fremur ráð fyrir að $\mathbf{r}_1(a) = \mathbf{r}_2(b')$ og $\mathbf{r}_1(b) = \mathbf{r}_2(a')$ (þ.e.a.s. stikaferlarnir fara í sitthvora áttina eftir C). Þá gildir ef $\mathbf{F}(x, y)$ er vigursvið að

$$\int_C \mathbf{F} \cdot d\mathbf{r}_1 = - \int_C \mathbf{F} \cdot d\mathbf{r}_2.$$

(Ef breytt er um stefnu á stikun á breytist formerki þegar vigursvið heildað eftir ferlinum.)